

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06 i 51/09), člana 71, 124 i 125. Statuta Općine Vogošća („Službene novine Kantona Sarajevo“, broj: 27/14 - Prečišćeni tekst i broj: 14/15, 9/20 i 23/24), i člana 171. Zakona o socijalnoj zaštiti, zaštiti civilnih žrtava rata, zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17, 28/18, 40/22 i 13/25), Odluke o izvršavanju Budžeta Općine Vogošća za 2025. godinu („Službene novine Kantona Sarajevo“, broj: 1/25), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH”, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, donosi:

## **P R A V I L N I K**

### **O OSTVARIVANJU PRAVA NA JEDNOKRATNU NOVČANU POMOĆ ZA ROĐENJE DJETETA**

#### **Član 1.** **(Predmet)**

Ovim Pravilnikom o ostvarivanju prava na jednokratnu novčanu pomoć za rođenje djeteta (u daljem tekstu: Pravilnik), utvrđuju se uslovi, visina i postupak ostvarivanja prava na jednokratnu novčanu pomoć porodicama, odnosno roditeljima za rođenje djeteta čije je prebivalište na području općine Vogošća.

#### **Član 2.** **(Cilj)**

Cilj lokalne zajednice je da kroz djelovanje u sistemu socijalne zaštite izdvajanjem budžetskih sredstava stvori bolje uslove za porodični život i pronatalitetnu politiku.

#### **Član 3.** **(Sredstva)**

- (1) Sredstva za dodjelu jednokratne novčane pomoći za rođenje djeteta (novorođenče) utvrđuju se u Budžetu Općine Vogošća (u daljem tekstu: Budžet Općine) za svaku kalendarsku godinu.
- (2) Raspodjela novčanih sredstava za ove namjene vršit će se u skladu sa raspoloživim sredstvima u Budžetu Općine za ove namjene.

#### **Član 4.** **(Javni poziv i potrebna dokumentacija)**

- (1) Sredstva sa budžetske pozicije predviđena za ove namjene dodjeljuju se na osnovu javnog poziva koji se objavljuje na web stranici Općine i ostaje otvoren do kraja tekuće budžetske godine odnosno do utroška planiranih budžetskih sredstava.
- (2) Jednokratna pomoć utvrđena ovim Pravilnikom dodjeljivat će se na osnovu podnešenih zahtjeva, a u skladu sa objavljenim javnim pozivom.
- (3) Zahtjevi za ostvarivanje prava podnose se Službi za boračko-invalidsku i socijalnu zaštitu.
- (4) Zahtjevi će se rješavati po redoslijedu podnošenja.
- (5) Dokumentacija koju je potrebno priložiti uz zahtjev po objavljenom javnom pozivu biti će navedena u posebnom obrascu koji će biti sastavni dio javnog poziva.

**Član 5.**  
**(Uslovi za ostvarivanje prava)**

Uslovi za ostvarivanje prava na jednokratnu novčanu pomoć za rođenje djeteta na osnovu ovog Pravilnika su:

- (1) da porodilja ili roditelj djeteta imaju najmanje jednu godinu dana prebivališta na području općine Vogošća, neposredno prije podnošenja zahtjeva na javni poziv iz člana 4. Ovog Pravilnika;
- (2) ukoliko jedan od roditelja djeteta nema prebivalište na području općine Vogošća, uslov je da pravo na jednokratnu novčanu pomoć nije ostvario na području općine svog prebivališta;
- (3) da dijete ima prebivalište/boravište na području općine Vogošća;
- (4) da roditelji djeteta nisu već ostvarili ovo pravo putem nadležne općinske službe Općine Vogošća ili putem nadležne općinske službe na području općine svog prebivališta.

**Član 6.**  
**(Visina jednokratne novčane pomoći za rođenje djeteta)**

Porodilja ili roditelj djeteta, ukoliko ispunjava uslove utvrđene ovim Pravilnikom, ima pravo na jednokratnu novčanu pomoć u sljedećim iznosima:

- a) za prvo novorođeno ili drugo novorođeno dijete u iznosu od 200,00 KM;
- b) za treće novorođeno ili svako naredno novorođeno dijete u iznosu od 300,00 KM;
- c) za novorođene blizance u iznosu od 500,00 KM;
- d) u slučaju mrtvorodenčeta ili slučaju da dijete umre u roku od 60 dana od dana rođenja, porodilji ili roditelju djeteta pripada pravo na jednokratnu novčanu pomoć u iznosu od 300,00 KM, ukoliko već nisu ostvarili ovo pravo.

**Član 7.**  
**(Postupak za ostvarivanje prava)**

- (1) Nakon dostavljanja zahtjeva na javni poziv i utvrđivanja ispunjavanja svih propisanih uslova za ostvarivanje prava na jednokratnu novčanu pomoć za rođenje djeteta, Općinski načelnik putem nadležne Službe donosi Rješenje o ostvarivanju prava.
- (2) Zahtjevi koji ne ispunjavaju propisane uslove za dodjelu novčanih sredstava, kao i zahtjeve podnesene nakon utroška sredstava predviđenih za jednokratnu novčanu pomoć za rođenje djeteta, odbijaju se Zaključkom Općinskog načelnika putem nadležne Službe.
- (3) Protiv Zaključka iz stava 1. i 2. ovog člana može se izjaviti žalba Drugostepenoj stručnoj komisiji Općinskog vijeća u roku od 15 dana od dana prijema Zaključka.
- (4) Podneseni zahtjev važi samo za budžetsku godinu u kojoj je zahtjev podnesen.

**Član 8.**  
**(Obrasci prijave po javnom pozivu)**

Nadležna služba će s ciljem pomoći korisnicima po ovom Pravilniku izraditi obrazac zahtjeva na javni poziv iz člana 4. ovog Pravilnika sa popisom i nazivom potrebne dokumentacije, a koji će činiti sastavni dio javnog poziva.

**Član 9.**  
**(Isplata novčanih sredstava)**

Isplata jednokratne novčane pomoći za rođenje djeteta dodjeljivat će se isplatom na transakcijski račun podnosioca zahtjeva putem Službe za budžet i finansije.

**Član 10.**  
**(Stupanje na snagu Pravilnika)**


Ovaj Pravilnik stupa na snagu narednog dana od dana objave na Oglasnoj ploči i web stranici Općine Vogošća.

**Član 11.**  
**(Prestanak)**

Stupanjem na snagu ovog Pravilnika, prestaje da važi Pravilnik o raspodjeli novčanih sredstava za dodjelu jednokratne novčane pomoći porođiljama sa područja općine Vogošća, broj: 09/1-35-190/19 od 28.01.2019. godine.

Broj: 09-31-1239/25

Vogošća, 13.06.2025.godine

OPĆINSKI NAČELNIK  
  
Migdad Hasanović